

**QORAQALPOG'ISTON
RESPUBLIKASI
VAZIRLAR KENGASHINING
QARORI**



**QARAQALPAQSTAN
RESPUBLIKASI
MINISTRLER KENESINIŇ
QARARI**

2022 - yil 1 - may

259-13-0-Q/22

Qoraqalpog'iston Respublikasi
Vazirlar Kengashi

**Ўзбекистон Республикаси Президентининг 2022 йил 30 апрелдаги
“Рамазон ҳайитини нишонлаш тўғрисида”ги
ПҚ-231-сонли қарори ҳақида**

Янги Ўзбекистонда амалга оширилаётган кўлами теран, аҳамияти юксак ислохотлар халқимизнинг тинч ва фаровон ҳаётини таъминлаш, инсон қадрини улуғлаш, фуқаролар учун виждон эркинлиги ҳуқуқини тўлиқ кафолатлашнинг мустаҳкам асоси бўлиб хизмат қилмоқда.

Юртимиздаги барча мўмин-мусулмонлар муборак Рамазон ойини бу йил ҳам яратилган қулайлик ва имкониятлардан самарали фойдаланиб, тинч ва осуда ҳаётнинг қадрига етиш ҳамда унга шукрона келтириш кайфиятида ўтказдилар.

Муборак Рамазон ҳайити моҳиятида мужассам бўлган хайру саховат, меҳр-оқибат, инсонпарварлик сингари азалий анъана ва қадриятларимизни асраб-авайлаш ҳамда кенг тарғиб этиш, халқимизнинг эзгу ният ва орзу-интилишларини қўллаб-қувватлаш ҳамда Ўзбекистон Республикаси Президентининг 2022 йил 30 апрелдаги “Рамазон ҳайитини нишонлаш тўғрисида”ги ПҚ-231-сонли қарорида белгиланган топшириқларнинг бажарилишини таъминлаш мақсадида Қорақалпоғистон Республикаси Вазирлар Кенгаши **ҚАРОР ҚИЛАДИ:**

1. Ўзбекистон Республикаси Президентининг 2022 йил 30 апрелдаги “Рамазон ҳайитини нишонлаш тўғрисида”ги ПҚ-231-сонли қарори ижро учун раҳбарликка олинсин.

2. Ўзбекистон Республикаси Президентининг юқоридаги қарорига мувофиқ Ўзбекистон мусулмонлари идорасининг 2022 йилда Рамазон

хайитининг биринчи куни **2 май – душанба** кунига тўғри келиши ҳақида қабул қилган қарорини инобатга олиб, мамлакатимизда 2022 йил **2 май** Рамазон ҳайити байрами сифатида нишонлаш белгиланганлиги;

Ўзбекистон Республикаси Президентининг 2022 йил 30 апрелдаги “Ўзбекистон Республикаси Президентининг 2021 йил 20 декабрдаги “2022 йилда расмий саналарни нишонлаш даврида қўшимча ишламайдиган кунларни белгилаш ва дам олиш кунларини кўчириш тўғрисида”ги ПФ-35-сон Фармонига ўзгартиришлар киритиш тўғрисида”ги ПФ-131-сон Фармони билан 2022 йил **3-4 май кунлари қўшимча дам олиш кунлари** сифатида белгиланганлиги маълумот учун қабул қилинсин.

3. Нукус шаҳри ва туманлар ҳокимликлари, Маҳалла ва нуронийларни қўллаб-қувватлаш вазирлиги ҳамда жамоат ташкилотлари билан ҳамкорликда Рамазон ҳайити халқимизнинг миллий ва диний анъаналарига мос равишда ўтиши учун тегишли чора-тадбирларни амалга оширсин.

4. Қорақалпоғистон Республикаси телерадиокомпанияси, Қорақалпоғистон ахборот агентлиги ва бошқа оммавий ахборот воситаларига Рамазон ҳайитини нишонлаш билан боғлиқ тадбирларни кенг ёритиш тавсия этилсин.

5. Қорақалпоғистон Республикаси Вазирлар Кенгашининг айрим қарорлари иловага мувофиқ ўз кучини йўқотган деб ҳисоблансин.

6. Мазкур қарорнинг ижросини назорат қилиш Қорақалпоғистон Республикаси Вазирлар Кенгаши Раисининг ўринбосари Р.Сапарбаев зиммасига юклансин.

Қорақалпоғистон Республикаси
Вазирлар Кенгашининг Раиси



Қ.Сариев

Qoraqalpog'iston Respublikasi
Vazirlar Kengashining
2022 yil 1 maydagi
259-13-0-Q/22-son qaroriga
1-ilova

**Қорақалпоғистон Республикаси Вазирлар Кенгашининг ўз кучини
йўқотган деб эътироф этилаётган айрим қарорлари
РЎЙХАТИ**

1. Қорақалпоғистон Республикаси Вазирлар Кенгашининг 2019 йил 31 майдаги “Ўзбекистон Республикаси Президентининг 2019 йил 30 майдаги “Рамазон ҳайитини нишонлаш тўғрисида”ги ПҚ-4349-сонли қарори ҳақида”ги 181-сонли қарори.

2. Қорақалпоғистон Республикаси Вазирлар Кенгашининг 2020 йил 21 майдаги “Ўзбекистон Республикаси Президентининг 2020 йил 21 майдаги “Рамазон ҳайитини нишонлаш тўғрисида”ги ПҚ-4721-сонли қарори ҳақида”ги 147-сонли қарори.

3. Қорақалпоғистон Республикаси Вазирлар Кенгашининг 2021 йил 11 майдаги “Ўзбекистон Республикаси Президентининг 2021 йил 10 майдаги “Рамазон ҳайитини нишонлаш тўғрисида”ги ПҚ-5110-сонли қарори ҳақида”ги 158-сонли қарори.